



**Republika e Kosovës
Republika Kosova-Republic of Kosovo**

**KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
NEZAVISNI NADZORNI ODBOR CIVILNE SLUŽBE KOSOVA
INDEPENDENT OVERSIGHT BOARD FOR THE CIVIL SERVICE OF KOSOVA**

Datë: 04.08.2025

Numër Protokolli: 5242/2025

A.nr.938/2025

Këshilli i Pavarur Mbikëqyrës për Shërbimin Civil të Kosovës – Kolegji për Shqyrtimin dhe vendosjen e Ankesave, në përbërje nga: Eshref Shabani- kryetar, Ardita Haxhnikaj Demi dhe Malsore Bajraktari Gashi-anëtare, me Sabile Avdyli, në cilësinë e procesmbajtëses, ka shqyrtuar ankesën me numër A.nr.938/2025, të datës 22.05.2025, të parashtruar nga ankuesja, I.S-V, kundër organit të punësimit/ Komuna e Mitrovicës së Jugut, në çështjen juridike “*Kërkesë nga marrëdhënia e punës*”, duke vepruar në pajtim me nenin 6 paragrafin 1 nën paragrafin 1.1, nenin 16 paragrafi 3, dhe nenin 18 paragrafin 1 nën paragrafin 1.1 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës, i ndryshuar dhe plotësuar me Ligjin Nr.08/L-180 për Këshillin e Pavarur Mbikëqyrës për Shërbimin Civil të Kosovës dhe Rregulloren Nr.02/2018 për Procedurën e Shqyrtimit dhe Vendosjes së Ankesave në Këshillin e Pavarur Mbikëqyrës për Shërbimin Civil të Kosovës, në seancën për këshillim dhe votim, me datë 04.08.2025 mori këtë:

V E N D I M

Refuzohet si e pabazuar ankesa me numër A.nr.938/2025, e datës 22.05.2025 e parashtruar nga ankuesja, I.S-V.

A r s y e t i m

Ankuesja , I.S-V (*në tekstin e mëtejme referuar: Ankuesja*), e punësuar në Komunën e Mitrovicës së Jugut, me datë 22.05.2025 ka parashtruar ankesë me numër protokolli 3396/2025 të regjistruar nën shenjën A.nr.938/2025, kundër klasifikimit të pozitës nga klasa e pozitës Profesional 2 në Profesional 1.

Këshilli i Pavarur Mbikëqyrës për Shërbimin Civil të Kosovës (*në tekstin e mëtejme referuar: Këshilli*) bazuar në dispozitat e Rregullores Nr.02/2018 për Procedurën e Shqyrtimit dhe Vendosjes së Ankesave, me datë 28.05.2025 ka proceduar kërkesën për përgjigje në ankesë tek Komuna e Mitrovicës së Jugut, ndërsa kjo e fundit, më datë 09.06.2025, ka përcjellë përgjigjen në ankesë së bashku me shkresat e bashkangjitura të lëndës.

Kolegji për Shqyrtimin dhe Vendosjen e Ankesave (në tekstin e mëtejme referuar: Kolegji i Këshillit) për vendosje meritore administroi këto prova: Ankesën me nr prot 3396/2025 të datës 22.05.2025 e parashtruar nga ankuesja në Këshillin e Pavarur Mbikëqyrës për Shërbimin Civil të Kosovës; Kërkesa për klasifikim në pozitën profesional 2 e datës 08.04.2025;përgjigjen e

Menagjertit të burimeve njerëzore e datës 07.05.2025; akt emërimit AE. Nr. 01-112/01-0103374/22 të datës 17.11.2022 përgjigjen e datës 09.06.2025 e dërguar nga Komuna e Mitrovicës Jugore.

Kolegji i Këshillit pas shqyrtimit dhe analizimit të shkresave të lëndës të parashtruara nga palët në procedurë, ka gjetur se ankesa e ankuesit, **është e pabazuar**, sepse:

Nga administrimi i provave të lëndës, Kolegji ka gjetur se ankuesja fillimisht sipas Akt emërimit me numër AE. Nr. 01-112/01-0103374/22 të datës 17.11.2022 ka qenë e punësuar në pozitën e punës “Zyrtare për Buxhet dhe Financa 1”, në Drejtorinë e Mbrojtjes së Mjedisit, tutje, Komuna e Mitrovicës së Jugut, më datë 26.12.2024 ka miratuar Rregulloren Nr.02/2024 për Plotësimin dhe Ndryshimin Rregullores Nr.01/2022 për Organizmin dhe Sistematizimin dhe Përgjegjësitë e Administratës Komunale, ndërsa përmes vendimit me numër protokollit Nr. 01-112-120/04-0080311 të datës 17.12.2024 i nxjerr nga Kryetari i Komunës së Mitrovicës së Jugut është aprovuar Klasifikimi i Vendeve të Punës, në Komunën e Mitrovicës së Jugut, pas aprovimit të klasifikimit të vendeve të Punës, Menaxheri i Burimeve Njerëzore i Komunës së Mitrovicës së Jugut, ka përgatitur Akt Emërimit me të cilin akt emërimi ankuesja është sistemuar në pozitën ‘Zyrtare për Buxhet dhe Financa’, ku pozita është klasifikuar në profesional 2.

Ankuesja I.S-V, me datë 28.05.2025, ka parashtruar ankesë në Këshillin e Pavarur Mbikëqyrës për Shërbimin Civil të Kosovës, me pretendimet ankimore sikur të shënuar në hyrje të këtij arsyetimi.

Kolegji i Këshillit për vendosje të drejtë dhe meritore lidhur me këtë çështje ankimore, analizoj bazën ligjore në fuqi lidhur me procedurën e transferimit të nëpunësve civil në rast të shuarjes apo ristrukturimit të institucionit, gjegjësisht Kolegji ju referua nenit 66 të Ligjit Nr. 08/L-197 për Zyrtarët Publikë me të cilin përcaktohet se: “1. Nëse për shkak të shuarjes apo ristrukturimit të institucionit, pozita e mëparshme e një nëpunësi/i civil shuhet, ajo/ai mund të transferohet në një pozitë tjetër të shërbimit civil të së njëjtës kategori. 2. Transferimi, sipas paragrafit 1. të këtij neni, mund të bëhet: 2.1. në të njëjtin institucion; 2.2. në institucionin që është bashkuar institucioni i shuar, në institucionin që është ndarë apo në institucionin që ka marrë funksionet që kryente më parë nëpunësi/i; 2.3. në agjencinë ekzekutive të institucionit të ristrukturuar; 2.4. në një institucion tjetër të shërbimit civil. 3. Në çdo rast shuarje apo ristrukturimi të institucionit krijohet komisioni i ristrukturimit që shqyrton mundësitë e sistemimit të çdo nëpunësi/i civil në vendet e lira ekzistuese dhe propozon transferimin e nëpunësit/it në një pozitë të lirë, për të cilën i plotëson kërkesat e vendit të punës. 4. Vendimi përfundimtar i transferimit merret nga njësi përgjegjëse në bazë të propozimit të komisionit. 5. Nëpunësi/i mund të refuzojë transferimin vetëm për arsye të parashikuara në paragrafin 3. të nenit 63 të këtij ligji. Refuzimi i transferimit për arsye të tjera, përbën shkak për lirimin nga shërbimi civil. 6. Komisioni i ristrukturimit, i parashikuar në paragrafin 3. të këtij neni, drejtohet nga njësi përgjegjëse dhe në të bëjnë pjesë përfaqësues të institucioneve të parashikuara në nën-paragrafët 2.1., 2.2., 2.3. apo 2.4. të këtij neni, sipas rastit ku bëhet ristrukturimi përkatës. 7. Qeveria, me propozimin e ministrisë përgjegjëse për administratën publike, me akt nënligjor, miraton procedura të hollësishme për zbatimin e këtij neni. 8. Rregullat për zbatimin e këtij neni për nëpunësit/it në Presidencën e Republikës së Kosovës, Gjykatën Kushtetuese të Republikës së Kosovës, Sistemin e Drejtësisë, Kuvendin e Republikës së Kosovës, dhe institucionet e pavarura kushtetuese, rregullohet me këtë ligj dhe me akt të veçantë të miratuar nga organet kompetente të këtyre institucioneve”.

Po ashtu, Kolegji i Këshillit në trajtimin e pretendimeve ankimore mori për bazë edhe dispozitat e Rregullores Nr.02/2024 për Transferimin e Nëpunësve Civil, pikërisht nenin 12 paragrafi 1, 2 dhe

3, ku parashihet: 1. Nëse për shkak të shuarjes apo ristrukturimit të institucionit, pozita e mëparshme e një nëpunësi civil shuhet, ai mund të transferohet në një pozitë tjetër të shërbimit civil të së njëjtës kategori. 2. Shuarja apo ristrukturimit i institucionit përcaktohet në legjislacionin përkatës për organizimin e administratës shtetërore dhe agjencive të pavarura. 3. Transferimi sipas paragrafit 1. të këtij neni, mund të bëhet: 3.1. në të njëjtin institucion; 3.2. në institucionin që është bashkuar institucioni i shuar, në institucionin që është ndarë, apo në institucionin që ka marrë funksionet që kryente më parë nëpunësi; 3.3. në agjencinë ekzekutive të institucionit të ristrukturuar; 3.4. në një institucion tjetër të shërbimit civil, nenin 15 paragrafi ku thuhet se: 1. Nëpunësi i transferuar në pozitën e të njëjtës kategori që ka qenë, për shkak ristrukturimit të institucionit, e merr pagën e pozitës në klasën që është transferuar, prandaj referuar dispozitave të lartshënuara, pretendimi i ankueses është i pa qëndrueshëm, sepse pozita e ankueses nuk është ndryshuar, shuar, prandaj komisioni i ristrukturimit me të drejtë ka konstatuar se ankuesja duhet të mbetet në pozitën që është, sikur se ankuesja të kalonte në pozitën Zyrtarë e Lartë për Buxhet dhe Financa, ashtu siç pretendon ankuesja do të ishte në kundërshtim me dispozitat e lartshënuara, gjithashtu Kolegji ju referuar edhe katalogut të vendeve të punës dhe konstatoj se pozita “Zyrtar për Buxhet dhe Financa” është përcaktuar në katalog me nr. 1087 SHC-1087 klasa profesional 2. Bazuar në kuadër ligjor si më sipër, Kolegji i Këshillit nga shqyrtimi i provave material të çështjes ka konstatuar së sistemimi i ankueses sipas vendimit të kundërshtuar më ankesë ka ndodhur si pasojë e riorganizimit të institucionit punëdhënës në këtë rast Komunës së Mitrovicës së Jugut, rrjedhimisht si rezultat i hyrjes në fuqi të Rregulloren 02/2024 për Plotësimin dhe Ndryshimin e Rregullores, 01/2022 për Organizimin dhe Sistematizimin dhe Përgjegjësitë e Administratës Komonale, të datës 26.12.2024, e sipas të cilit akt (shtojca Nr.1) pozita të cilën ankuesja e mban sipas akt emërimit është klasifikuar si pozitë në kuadër të Drejtorisë së Mbrojtjes dhe Mjedisit, me emërtim: Zyrtare për Buxhet dhe Financa” kategoria: profesionale, klasa Gj35 profesional 2, koeficienti i pagës:5.50. Andaj, mbi bazën e këtyre fakteve rrjedhë se Komuna e Mitrovicës së Jugut, ka vepruar në pajtim me ligjin material sepse ankuesja është sistemuar në pozitë të njëjtë dhe se klasifikimi i pozitës në klasë dhe koeficient të pagës është në pajtim me Ligjin Nr. 08/L-196 për Pagat në Sektorin Publikë përkatësisht shtojcën Nr. 10.7, sipas të cilës pozita Profesional 2, i referohet Gj35, dhe se për Komunat që ka 50.001 deri në 70.000 qytetar, koeficient i pagës është GJ35 /5.50.

Bazuar në të gjeturat dhe konstatimet si më sipër si dhe duke u bazuar në nenin 18 paragrafi 1 nën paragrafi 1.1 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës, u vendos si në dispozitiv të këtij vendimi.

Këshillë juridike: Ky vendim hyn në fuqi në ditën e nënshkrimit nga Kryetari i Kolegjit. Pala e pakënaqur e cila pretendon se vendimi i Këshillit nuk është i ligjshëm mund të iniciojë konflikt administrativ në Gjykatën Themelore në Prishtinë/Departamenti për Çështje Administrative, brenda afatit prej tridhjetë (30) ditësh nga dita në të cilën i është dorëzuar vendimi. Inicimi i konfliktit administrativ nuk e ndalon ekzekutimin e këtij vendimi.

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
Lënda: A.nr.938/2025

Sabile Avdyli

Procesmbajtëse

Eshref Shabani

Kryetar i Kolegjit

Vendimi i dërgohet:

- Ankueses, I.S-V;
- Njësisë se Personelit në Komunën e Mitrovicës së Jugut; dhe
- Arkivit të KPMSHCK-së.